

Denuncia serio contra di Aruba Airlines.

Caso ta mustra simptomanan di Fly Aruba. E historia lo ripiti?

SRA Damaris Suarez, un flight attendant Instructor di Orlando, Florida, ta demandando Aruba su aerolinea di mas nobo Aruba Airlines. Damaris Suarez ta acusa e Aruba Airlines di incumplimento di pago pa servicionan profesional cu el a duna.

Sra Suarez a wordo aserca pa e rumanan Esteban y Ernesto Valles kendenan a pidie pa e bai Mexico City y entrevista, recruta, train y certifica 16 flight attendants pa Aruba Airlines. Sra Suarez a trece dilanti cu ta hopi cos no a bai manera mester ta den e negosacion y ehecucion di su contract. Pa cuminsa e flight attendantnan a haya un salario hopi mas abou di loke primeramente a propaganda riba e website di e compania. Di e inicial \$2100 a baha e salari- onan te \$1600 y ta despues cu Suarez a negocia pa nan, a logra un salario di \$1850 pa luna pa e attendantnan. Segun Suarez, a probecha di e echo cu e personanan aki tabatin mas cu dos aña sin bula y tabatin hopi gana

di reanuda nan trabou bieuw ya cu desde cu nan a retira for di Mexicana de Aviacion nan no a bula mas y el a percura pa negocia nan salario pa nan aki na Aruba.

Despues cu Suarez a haci pre- screening di 11 hende na Mex- ico, el a haya e invitacion pa bin sigui duna training na Aruba cual el a haci tambe. Aki el a bisa cu e gerencia di Aruba Air- lines no a cumpli cu nan prome- sa y enbes cu nan a haya 3 cas pa acomoda e 12 hendenan, nan a haya un cas unda cu a hinca tur 12 y a dunanan un Minivan pa 12 hende pa core aden enbes cu nan a haya 3 auto. Sin papia mes di e situacion deplorable di e casnan unda cu ta lek mas awa paden cu ta yobe pafo. Pa caba di floria e situacion, el a bisa cu e director di Aruba Airlines sr. Onno de Swart a laga tur e hendenan drenta Aruba como turista y no a registra nan como empleado, pues lo ta trahando ilegal riba nos isla.

Banda di esaki Suarez a bisa

tambe cu el a traha oranan largo pa logra cumpli cu e deadline di Departamento di Aviacion Civil y a cubri funcion di 4 hende. Segun Suarez, Aruba Airlines a busca stranhero pa haci e trabou di flight attendants ya cu tempo tabata un factor im- portante cu nan no tabatin mas. Pues a prefera busca e flight attendantnan for di Mexico ya cu nan tabata experiencia caba y simplemente mester a haci un curso pa refresh ya cu nan taba- tin dos aña sin haci un vuelo. Riba dje, e rumanan Valle a bis'e den comienso cu nan ta

busca "experienced and cheap labor" pa traha pa Aruba Air- lines, pues ta prefera stranhero cu experiencia cu bai inverti pa siña un grupo local tur cos for di comienso cu lo costa mas tempo y mas placa.

Damaris Suarez kier demanda Aruba Airlines paso apesar cu el a duna tur training y a cumpli cu su parti di e contract, e aerolinea no a pag'e su salario completo pa e trainingnan cu a tuma lugha na Mexico ni pa e trabounan cu el a haci na Aruba di entre otro duna e flight at- tendantnan mas curso adicional

y repasa e Flight Safety Manu- als. E unico cos cu nan a paga ta 75% deposito pero e resto e no a haya mientras cu Aruba Airlines si ta pagando e flight at- tendants desde 11 di December nan salario completo. Damaris Suarez kier bai asina leu di pidi Departamento di Aviacion Civil pa retira su registracion como Instructor pa Aruba Airlines haciendo asina cu e flight at- tendantnan lo no ta certifica pa por haci vuelo mas cu tur e consecucionan cu esaki lo por tin pa e operation di Aruba Airlines.

The Flight Attendant Academy
 "WE WILL POINT YOU IN THE RIGHT DIRECTION"
 WWW.THEFLIGHTATTENDANTACADEMY.COM

DAMARIS SUAREZ
 PRESIDENT-RECRUITER
 DAMARIS737@YAHOO.COM

120 BROADWAY AVENUE
 KISSIMMEE, FL 34741

407-409-6367
 SE HABLA ESPANOL